

In quo-  
nam hæc  
differentia  
consistat?

§. XVII. Differt ergo Exercitium Religionis privatum a domestico; at in quonam proprie consistit illa differentia? Acu rem tetigit Illustris & nunquam non honorifcentissime compellandus mihi BOEHMERVS in cit. *Diss. de privat. Legator. sacris Cap. I. §. 14.* ubi hæc habet: „Sacra domestica consistunt „in piis precibus & meditatione Verbi Divini *sine administracione Sacramentorum.* - - - Proinde sacra privata hic dicuntur, „quæ in exercitio universi cultus Divini, & sic etiam *in administratione Sacramentorum* consistunt, ut tamen nec publica au- „toritate, nec publicis in locis, nec publicis impensis fiant, sed „vel a singulis patribus familias, vel a quibusdam congregatis „adornentur, interim tamen per ordinatum Ecclesiæ Ministrum „expediantur.” Coincidunt, quæ ad sæpius citatum §. 34. com- mentatur Ill. HENNIGESIVS in *Meditat. ad Instr. Pac. p. m. 516.* „Domestica, ait, devotio consistit in eo, cum paterfamilias sine „Sacerdote vel Ministro Verbi ad id conducto domi suæ pro se „liberisque & reliqua Familia legendo Scripturas & conciones, „psallendoque Devotioni vacat, & hoc modo se suosque docen- „do adhortandoque in pietate & amore erga Deum & proxi- „mum promovere studet. Quoniam igitur hic gradus ulti- „mus Sacerdotem aut Parochum, qui Sacris faciendis & Devo- „tioni præsit, non admittat, sed opera tantum Patrifamilias aut „alius ex Familia rem omnem metiatur: utique ex eo etiam „sequitur, domesticæ Devotionis exercitio non comprehendendi, „quæ sine persona Ecclesiastica ad cultum Divinum rite ordina- „ta expediri vel administrari nequeunt, uti est Baptismum In- „fantum extra casum necessitatis, confessio auricularis, admi- „nistratio sacræ Cœnæ, indictio iejunii & dierum pœnitentia- „lium, Copulatio matrimonialis, celebratio Funebrium & his „similia. „ Recte enim Viros hos Illustres rationes hic suas subduxisse, clarius patebit, quando mihi dabitur, in naturam Exercitii Religionis domestici, per partes eius singulas eundo, ad ductum Art. 5. §. 34. Instr. Pac. Westph. eiusdemque Historiæ supra contextæ curatius inquirere; at quo minus *hoc a me fiat* in præsenti Schediasmate, imo & *hoc*, ut porro monstrem, suos & hanc Exercitii Religionis speciem habere gradus; ut exa- mini subjiciam: quibusnam personis indulgeri necessario de- beat

Index di-  
eendorum  
alibi de  
hac mate-  
ria.